

Национальный институт
Республики Тыва
И.А.С. Гуджина

Хүндүлүг тапшыктар! Республиканың амыдыралындан чыда калбас дизиңерзе, «Шын» солунну чагыдып алыңар!

2002 чылдың ийги чартында **ЧАГЫДЫЛГАНЫҢ ӨРТЭЭ:**
хууда чагыдыкчыларга — 185 рубль, 3 айда — 93, 1 айда — 31 рубль.
Организацияларга 6 айда — 238 рубль, 3 айда — 119 рубль.
Экспресс чагыдылганы неделяның кайы-даа хүнүнден эгелеп чагыдып ап болур силер.



ШЫН

НИИТИЛЕЛ-ПОЛИТИКТИГ СОЛУН

1925 чылдың
август 31-де
үнүп эгелээн

№ 80 (16538)

2002 чылдың
ИЮЛЬ 16,
вторник

Ат салган шагы 21.00
Садар өртээ 3 рубль.

ТР-ниң Улуг Хуралының Хоойлужудулга палатазының бирги организастыг хуралы



ҮНДЕЗИН ХООЙЛУГА ДҮҮШТҮР

Эрткен чылын май 6-да хүлээп алган Тыва Республиканың чаа Конституциязын езугаар Тыва Республиканың Улуг Хуралы—Тыва Республиканың күрүне эрге-чагыргазының хоойлужудулга (төлээлелге) органы тургустунган. Үндезин Хоойлунуң 111 чүүлүнге дүүштүр Тыва Республиканың Чазак Даргазы Улуг Хуралдың Хоойлужудулга палатазының бирги хуралын эрттирерин чөпшээрээн. Тыва Республиканың Улуг Хуралының бирги организастыг хуралы бодунуң ажылын дүүн, июль 15-те, эгелээн.

Хуралдың ажылын Тыва Республиканың Төп сонгулда комиссиязының даргазы Ш.Ч. Монгуш ажыткан. Ол бодунуң чугаазына июнь айда ийи удаа болган сонгулдаларга чоннуң деткимчезин алгаш, Хоойлужудулга палатазынче (Хоойлужудулга палатазы 32 депутаттан тургустунган) сонгудуп алган 22 депутат хуралдың ажылынга киржиپ келген болганда, кворум саны четчир деп чугаалаан. Ол ышкаш Шолбан Чыргал-оолович депутаттарның кичээнге ийинге оларның сонгулда мурнунда программаларының күүселдезин болгаш сонгукчуларның чагыг-

ларын утпайн күүседирин чагаан. Азаашкыннарны күүсетпес болза, сонгукчуларның бүзүрелин канчап чаалап алырыл? Оон ангыда Төп сонгулда комиссиязының даргазы эрткен сонгулдаларның чорудулгазынга элээн доктаап, хоойлужудулга талазы-биле чурум үрээшкинери турган, аңаа хамаарыштыр чогуур органнар истелге ажылын чорудуп турарын дыңнаткан. Хоойлужудулга палатазының кылып чорудар ажылының ролю улуг деп үнелеп көргөш, депутаттарга республиканың хөгжүлдези дээш ажылдаарын база парламент ажылынга чедиш-

киннерни күзээн. Шолбан Чыргал-оолович чаңчыл езугаар Улуг Хуралдың Хоойлужудулга палатазының даргазын сонгуп алгыже, ону түр када башкарып эрттиреринге хоочун депутат Зоя Назытыевна Сатты ук хүлээлгени күүседире-биле томуйлаан.

Россияның болгаш Тываның Ыдык ырларының күүселдезинин соонда, депутаттар Тыва Республиканың Чазак Даргазы Шериг-оол Дизижинович Ооржактың илеткелин кичээнге ийи-биле дыңнааннар.

Шериг-оол Дизижинович Улуг Хуралдың Хоойлужудулга палатазының депутаттарынга чугаазына мындыг чүүлдерни онзалап айыткан:

—Республиканың Конституциязын болгаш хоойлуларын россияжи хоойлужудулгага дүүштүр кииреринин чугулазы, чуртка чаңгыс аай экономиктиг, эрге-хоойлулуг, информастыг девискээрни тургузары, Федерация Чөвүлелин чаартыры-биле бистер чөпшээрэжи, президент эрге-чагыргазы девискээр эрге-чагыргазына чоок болзун дээш федералдыг чеди округтарны деткээн бис. Чогум-на ол чорук республиканың чаа Үндезин Хоойлузун хүлээп алырынга кол чылдагаан болган.

Сонгулда кампаниязының үезинде политиктиг коргудуушкуннар болгаш суд истелге-хыналдазы турза-даа, кандидаттарның хөй кезии сонгулда мурнунда суртаал ажылын хоойлуга дүүштүр чорутканнар. Ынчан база-ла чон тиилээн. Шын тиилээн.

Хүндүлүг депутаттар, ам бистиң ниити ажылывыстың дугайында каш сес. Бо чылын республиканың Конституция судун болгаш Саналга палатазын тургузуп, чаргы чарар судьяларның ажылын быжыглап алзы-высса эки. Удавас административтиг судтар болгаш дангыраан берген төлээлерниң судтары көстүп келир. Кижиниң эргелериниң талазы-биле төлээлекчи институтту база тургузар уjurлуг бис.

Хүндүлүг депутаттар! Бо төөгүлүг уjur-уткалыг хүнде силерге быжыг кадыкшылды, өг-бүлөңерге чаагай кежик-чолду, бистиң чуртувустуң эрткен төөгүлүг үезинден катап тургустунган чаа Улуг Хуралдың Хоойлужудулга палатазының бүрүн эргелерин боттандыраарынга чогаадыкчы чедишкиннерни күзедим! (ТР-ниң Чазак Даргазы Ш.Д. Ооржактың чугаазын допчулай бижээн).

Тыва Республиканың Чазак Даргазы Шериг-оол Дизижинович Ооржактың чугаазының соонда, депутаттар хүн чурумунда кирген: Хоойлужудулга палатазының түр регламентин, палатаның структуразын, саналга комиссиязының, Хоойлужудулга палатазының даргазын, ооң оралакчызын болгаш палатаның комитеттер болгаш комиссиялар даргаларын бадылап алырының айтырыгларын сайгарып чугаалашкан.

Хоойлужудулга палатазының Даргазының албан-дужаалынага ажылдаар күзелин үш депутат илереткен. Бир дугаар бадылаашкынның түннелинде Василий Майлолович Оюн дээш 8 депутат бадылаан, Борис Кожуун-оолович Күдерек дээш 2 депутат үнүн берген, Хонук-оол Доржуевич Монгуш дээш база-ла 2 депутат бадылаан. Арткан 9 депутат шупту кандидаттарга удур бадылаан. Ынчангаш Хоойлужудулга палатазының Даргазы сонгуттунмаан.

Сессия бодунуң ажылын июль 16-да үргүлчүлээр.

Игорь ДАМДАК.
ЧУРУКТА: хурал үезинде.

Владимир САВИНЬХТЫҢ
тырттырган чуруу.

